



3

T 8224/0634.81

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 15 1939



詔安縣志卷之四

志

本縣凡所民必善其趨避不度其財動不存財

放即擬向城防諸役亦勤記統重勞民也詔安而

皆山嶺海濱身城地事暴公累層以坊表內城倉

備較難一本一石皆勞民力外而建也設官其制

可謂也況有梓里存瞻瞻大節不修何以堪

考說哉故城者宜壁於有宜以表其時以圖其

若則備備直達十領早消前雖有以故不付不

...

甲辰年

詔安縣志卷之四

甲戌年翻刻

建置志

哈佛大學漢和
圖書館珍藏印

春秋凡用民必書其越禮不度非時動衆者固所當
戒卽城向城防諸役亦勤記載重勞民也詔安面海
背山鎖漳引粵城池禦暴公署臨民坊表樹風倉廩
積穀雖一木一石皆勞民力然而建邑設官其制不
可輕也況有橋梁有陂塘失時不修何以通往來資
灌溉哉故壞者宜整淤者宜疏及時以圖民不大困
若因循補苴逮于頽圯崩頽雖有良牧不得不重苦
我父老子弟爲矣至港皆官渡而爲私渡市無官稅

而有私稅扶墜砥流更當與施卹之典奠居之方宜加意至于祠廟寺觀不惟神道設教而且祀事攸關有其舉之孰可廢乎作建置志

城池

繭而絲之是龜腐于蟻而甲歸鑽也保而障之是螳怒其臂而車可式矣雖然天險不可升也地險山川丘陵也王公設險以守其國古今無湮制焉前朝鄧寇之變漳屬盡遭蹂躪詔民獨免荼毒者固守城池之力也海氛剝膚莫之能禦得非與民效死之道未之講乎是以堞如飛雉濠若貫虹存

形之高深也大師惟垣衆志成城無形之高深也完其有形而固其無形是在操繭絲保障者之責也志城池

詔安縣城池唐垂拱初王鈐將軍陳元光率裨將許天正等統兵距寇于此在宋爲南詔場置西尉主之後又爲沿邊巡簡寨俱土堠木柵元至正甲午右丞羅良命屯官陳君用砌築石城六百四十五丈高一丈二尺東臨溪西南北依山鑿乾濠而已明初置爲把截所尋罷正統十四年鄧寇猖獗漳寇乘之攻圍八閱月耆老許尙端涂膺等與衆力禦之旣而潮兵

救至城賴以全弘治十七年調南詔守禦千戶所始
拓城西偏而廣之砌以石圍一千三百六十丈高一
丈六尺嘉靖九年設縣遂為縣城十二年知縣何春
二十八年知縣李尙理皆重修三十七年知縣龔有
成增高城垣三尺設垛子九百六十二築東西南門
月城敵臺五座虛臺一座窩舖八座浚濠深濶各二
丈四周半通海潮四十二年知縣梁士楚加築外城
周圍一千二百餘丈又築西關城三百餘丈外內壯
固邑人賴之承平日久居民多築室濠上為市舍崇
禎八年知縣王政岐奉文清濬拆濠舍數百餘間濠

深濠潮水復通十年署印通判朱統毓復增城濬濠
仍申嚴禁不許向後再佃起葢明弘治中邑人許判
有拓城記崇禎間邑人沈起津有修城記俱見藝文
志

懸鐘所城池在詔安縣四都明洪武三十年江夏侯
周德興奉詔建置周圍五百五十丈砌以條石垣面
廣一丈高二丈女牆八百六十一窩舖一十五東西
南北四門上各有樓其東西二門阻海北門通路南
門塞之環海為濠嘉靖四十二年十月倭賊陷城隆
慶六年重修增月城三座垛子六十個窩舖一十座

此詔安邑所城池之始末也所城建自明初勳臣奉命以主其事百堵偕興萬民子集功成不日固易易也縣城則始以木柵土堠繼易以石漸次開拓增修規制粗備經之營之歷數百年拓城增城各有記述夫豈易得此高深哉

興朝甲午城遭寇毀丙申知縣歐陽明憲重建鳩工于創疲未起之時竣事于鴻鴈哀罄之日其艱難百倍前人竟未有誌其事于片石者追溯其年尚非久遠而問之兵工胥吏俱失其籍莫可稽考以登志書會通邑紳士請秩瞽宗共稱明憲

未奉簡書即知寇墮漳屬名城此邦甌脫自燕邸請大帥與公車孝廉陳學師萬里隨軍畫保完築縣城以徼肆赦全活比至則四望暴骨如山榛莽鳥飛不下徒跣疾呼乃鵠面鳩形之子翁聞義來集忍死操作而百雉十旬以告竣絕處逢生次壁壘籬落又次坊市廛井于時扶傷救死稍聞犬吠雞聲凍雨疑陰候尙柴車露處老弱攜扶慰藉丁夫攀負委輸光景猶在目也摻摻血痕無時不為防餉買糴府米解運權宜借支等役禿卒瘠之指爪哀哀抗牒亦何時不為麗城增築八旗營房雲

霄鎮城建置殞當塗之涕淚雖其間阡陌循省經
管亦時與子衿論講道藝澤官烈日淒風明倫堂
塊土耳侯不翅蒿目推肝與掌教躬親拮据而精
思密算所及亦器仗金湯儼如洵顧復煦咻惟力
而綢繆鎖鑰兼優者也因節載其詞既足見直道
之在人心而亦以知歐陽明憲有功于此邦之建
置凡公署學官皆出其手非止重建邑城一事云
爾

公署

建城以衛民社立署以列官聯職業攸存殊非

廬傳舍云爾也叔孫雖一日必葺館而後行第五
倫雖一宿必灑掃其地而後去諸葛井竈謝元履
履自古大豪傑之作用正妙在微細處不滲漏耳
而況官署乎懼切垂堂思深閉閣心無愧于屋漏
職不戒于榱崩三年而貽百年之謀名棠吟芾一
世而留萬世之澤郇雨歌膏皆公署中事也不敢
傳舍公署者還從不傳舍其官始此修志意也志
公署

詔安縣公署明嘉靖十年設通判陳賢董其役合漳
南道府館故地并材木而爲之前堂扁曰牧愛後堂

扁曰鳴絃前堂之西為典史廳後堂之後為知縣解
 東為吏舍西為典史解儀門之東為土地祠西為監
 房凡事草創而已十二年知縣何春改建典史解二
 十一年知縣尤敷改建大門壘石為臺構重樓其上
 左鐘右鼓而空其中扁曰超然二十四年知縣廖暹
 闕隙地作保釐坊以障于縣解之後扁曰詔安縣二
 十八年知縣李尙理廢保釐坊以協向明之義剗前
 衢之高而取其美土以補解舍之卑于是前平直而
 後爽塏三十八年添設捕盜主簿改建吏舍即其地
 而建解焉四十三年知縣梁士楚以吏舍既改為三
 簿解皆寄宿民間不便乃擴主簿衙後地為之六房
 始有樓身之所而統體亦不混矣崇禎七年甲戌知
 縣王政蛟更高前堂三尺葺損壞而新之翼以石欄
 拓縣東為賓賓館

國朝甲午年寇毀縣治丙申年知縣歐陽明憲重建
 吏舍規模不同昔日繪圖卷首庭宇井然雖歷任各
 有增置而堂皇實開于歐陽明憲云

申明亭

舊在大門外東毀廢康熙二十九年知縣秦炯重
 建于大門照牆之次

旌軍亭

舊在大門外西今廢

典史衙署

坐縣堂西因漳南道分司舊址增拓

漳潮分界巡簡司

舊在縣治西二十五里明正德十五年自五都徙置初未有廨署即庵堂居之嘉靖二十七年掌縣

同知龍遂建今廢移廨縣城東門內

洪淡巡簡司

元設于四都之沔洲明洪武二十年徙五都北

嘉靖二十七年知府盧璧修隆慶六年知府羅青

霄里修今廢

金石巡簡司

元設于龍巖縣聚寶里明洪武二十年徙五都山

東社嘉靖二十七年知府盧璧修隆慶六年知府

羅青霄重修今廢

南詔驛

在縣城東門內宋初為臨水驛在北關外站前地

明洪武初建改名為南詔驛嘉靖一十九年知府

盧璧修今毀移廨縣治東公衙門後

陰陽學

醫學

舊在縣西南今廢

舊未設

公衙門

坐南門內東唐將軍廟之右新設

漳南道

舊在縣治右明隆慶五年僉事梁士楚改為團練道前豎二木坊左扁安攘重地右扁貞肅明臺後仍為漳南道今廢

府館

前志云昔為老子宫在縣城北舊在城西即典史

衙後遷北門今廢

坊表

坊者表也樹之衢道識以姓名本表厥宅里之意表賢如通德表貴如鳴珂並行而不廢焉然賢賢少而貴貴多一以樹風聲一以耀觀瞻有志者宜何取乎志坊表

關帝坊

在西關內朱文公祠左帝廟坐西朝東坊坐北朝南坊陰扁正氣行空四字

省元坊

在北街為宋省試第一名沈子真立

奪錦世科坊

在舊倉前街為舉人許潛許判許選立

天寵重褒坊

在舊南詔驛東為封戶部主事申憲大夫知府沈

璽立

回鄉賜典坊

在永門大街為封大僕寺寺丞胡清立

父子進士坊

在縣前街為明嘉靖丙辰胡文萬曆丁丑胡士

立

誥勅申貶坊

在舊南詔驛西為贈知縣加知州沈一鯉立

春官邦伯坊

在西街為甲戌科進士沈鈇立

世恩坊

在東北街為知縣許潛封知縣許彥同知許判通

判許選許繼榮欽依守備許瀚立

百歲坊

在北關內為冠帶壽民沈仲選立

恩榮坊

在南關外接官亭為士人沈種妻黃氏立知縣薛
大章題柱曰心堅金石存凌霄漢節凜冰霜映海霞

經略坊

在寶橋為都察院經歷葉疊立

進士坊

在厚廣為明正德辛未科李旦立

一品恩光坊

在古林舖為左布政使進階從一品陳天資立

峴岵興瞻恩綸薦錫坊

在赤坑山為封戶部郎中沈璽配安人葉氏立

鬱蒼佳氣坊

在竹港為癸丑進士戶部主事林而興立

旌義坊

在五都烏石埔明嘉靖中為鄉人朱羽伯同子朱

用朱秀殺倭陣亡建

聯芳坊

在五都張塘鄉御史崔爾進為明萬曆乙酉科張

敏子戊午科張作範改名廷範立

保釐坊

明嘉靖二十四年知縣廖暹建于縣廨之後二十八年知縣李尙理廢詳公署志

閩粵之交坊

在舊漳潮分界巡簡司前知縣李尙理龍溪知縣林松全立

儒林坊

三俊坊

在南門大街今廢

倉廩

按周禮掌粟入之藏與後代立常平之法雖待邦用濟民生稍有不同然遇豐則貯遇歉則頒視

孟冬修困務積季春發廩賜貧其意總與月令符也詔邑舊有預備社倉猶師古意叠遭寇氛以來盡燬無存今國家慮天行不測民食維艱已令有司勸捐按年積穀復開納粟之例廣貯備荒不計收藏將槩置之露積其可乎志倉廩

預備倉

在南詔倉內之東舊為際畱倉明嘉靖十三年知縣吳桂添設二十八年知縣李尙理重修改為預備倉貯官穀今毀

南詔倉

在舊驛後明弘治十八年建有監收廳及斗級房
東西二廡知縣李尙理改并貯際畱倉糧米今毀
社倉

舊在縣署內今廢

懸鐘倉

在本所明洪武二十一年千戶毛麟建廡五曰積
曰廣曰盈曰滿曰盛爲門二十有一舊名常積後
改名懸鐘崇禎間猶存積字一廡今盡毀

銅山倉

在本所東今廢

預備新倉

在縣治儀門內左共五間南向中爲監收廳倉右
另建一門西向爲預備倉康熙二十九年四月
知縣秦炯建

預備南倉

在預備新倉南共五間新倉南向南倉北向康熙
二十九年七月知縣秦炯添建有記見藝文志
論曰倉廩之設其用有二一儲糴以養兵一積穀
以賑民蓋有城無兵城何以衛有兵無食兵何以
強此既建城池必置倉廩也詔城特設防營而南

接南海鎮北接雲霄汛東連銅山懸鐘二所五營
相爲犄角縣額歲收課米若干卽以支給各營兵
糈此蓋以飽待饑以無事待有事古人衣襦菑桑
綢繆未雨之至計然方收于民卽支給與兵歲鮮
畱貯所以爲倉厥慮者猶未爲難惟備賑之穀盈
萬累千久貯于倉易致紅腐欲久藏而無朽必出
陳以易新而一出一入之間滋名存實亡之弊吾
欲呼倉人而告之曰出勿外漁爲漏陂入勿中飽
爲陷澤民其實有濟乎第責不在倉人而在有司
台云救荒無奇策此言似是而實非長吏盡心于
斯民以盡心于荒政活數百萬生靈勝二十四考
中書令如富鄭公之于青州何嘗不奇哉况預籌
于未荒之前猶未索炊于巧婦國以民爲本民以
食爲天委掌得人歲時稽考慎毋輕視此倉廩所
積可也

橋梁

辰角見而雨畢天根見而水涸雨畢則涂道水涸
則成梁在天著象在人著功陂澤橋梁先王之教
也而江以南之陂澤橋梁與江北異江北陂澤多
因時而涸橋梁亦因時而成故曰九月除道十月

成梁江南所建橋梁皆匪一時之計悉關萬世之
謀豈止泉海萬安長虹稱奇天下哉惟求地而先
修將傾而預葺俾堅同石壁坦若周行奚待司空
視塗不入單襄之譏泡稱君子平政難言子產之
惠矣志橋梁

通廣橋

在縣治北二里遺 猶存明嘉靖二十八年知縣
李尙理改造于縣之東門溪以木爲之今廢

東門石橋

舊有東溪木橋在縣東門外溪濶七十丈橋木

二十九廣七尺兩岫石墩各一明嘉靖二十八年
知縣李尙埋造隆慶五年知縣陳素蘊重造題曰
通濟橋萬歷丙申鄉紳沈鈇與知縣夏宏議剏石
橋于溪雅路之下以通南門大路夏宏捐俸百金
沈鈇捐貲八十兩募緣勸助戊戌告成沈鈇之力
爲多焉薛士彥有石碑記見藝文志

洋尾橋

在縣東五里卽廣南橋舊設渡舟往來獲濟沿邊
泥濘數丈行者病焉明萬歷七年知縣鄧于蕃捐
金倡義剏石橋一百有餘丈爲楯四十翰林林偕

春有記後知縣夏宏通判俞咨益重修之知縣鄭化麟有記見藝文志

平寨橋

在縣治南五里舊設舟渡明萬歷間溪南社砌石橋

龍車橋

在縣治北五里南詔舊大橋宋時為普濟橋歲久圯壞邑人沈鈇捐金重修覆以亭為楯二扁曰丹詔古道

安濟橋

在塘東溪去縣治西十五里明嘉靖十六年鄉人砌石橋二十餘丈邑人葉疊記之

大陂橋

在縣治東四十里明嘉靖間知縣廖暹架木為橋隨廢至萬曆間知縣鄧于蕃檄眾規為石橋為楯者三名永濟橋

磨西橋

去縣治六十里詔安漳浦在此分界昔廢進士張天維生員方學禎吳山等共捐貲復砌石橋往來便之

陂塘

舊志曰近湖者利湖水近海者利海塘宋人以湖利之廢興為國賦之盈縮蘓子瞻論之甚詳今兩浙官司亦多以築塘叙功者其利害所關非止歲月千萬亦非止一州一邑如詔安之利溪陂大者灌田可千餘畝至小者亦不下數百畝然山谷所汲只溪瀟澗水縱不修築不大利亦不大害至北溪上游一帶則衆沅俱滙外通江潮一不戒則崩漂隨之窮鄉小民力不能濟明初往往有疏請濬築者近代官告匱而民益貧澎濤崩沙瞬息不測

賦稅民命所關當事不可不以時相其水勢度其工力倡率經營以為經久善後之策乎志陂塘

官陂 南婆陂 一名林婆陂 小篆陂 金溪陂 新陂

上俱二都新陂在勾藤徑明嘉靖四十二年知縣梁士楚築灌溉二千餘畝

溪東陂

明洪武二十七年溪東社民鍾生仔奏聞勅工部人才蔣金臺督修灌千餘畝立石紀事祀蔣金臺于陂所以鍾生仔配焉

黃塘陂 初稽陂 後云陂 後葛車陂 大塘車

陵：胡家陵、岑頭陵、九輪陵

涂家陵

在九侯溪右與龍潭溪匯明嘉靖間名儒吳璞疏築以上俱三都

太陂

其流長漑數千餘畝旱極不焦

馬津陂

上俱四都

洪淡陂 吳坑陂 百浦陂

今盡為海潮所淹東陂一線淺水近陂之田何

其潤

坑內陂 高家港陂 港西堰 蟬筒港堰

俱五都

漁塘二所

一在北門外一在南門外舊俱官佃與民歲收其

利見雜稅

港渡

橋梁渚渡皆以便往來通行旅也水有可以橋梁者為橋梁以通之不可以橋梁者用舟楫以渡之為橋梁可一勞而永逸用舟楫宜計食以募工如

橫嶺渡之有捐租北門渡之設舟工前事堪師後人可式乃有不知為德以濟人而反漁利以私己因致隔邑奸民越疆而掌詔邑之渡寧非教隸升木乎欲激其流先澄其源衣帶之水亦有釐剔之政存焉志港渡

橫嶺渡

距縣治南五里巨姓林氏捐租十餘石阮氏捐租三石五斗募操舟以通往來明崇禎八年鄉人江左偉以兩邊水淺江畔泥濘行人不可渡浚泥聚石以砌之

平寨渡 洋尾渡

上三渡今皆有橋

洋林渡

在懸鐘水急而險稍風不可渡

港口渡 海月渡

在四都漸山前 在四都

磁窰渡

在五都附近居民渡江耕種至冬月樵採多人年後競渡草高風動波浪洶湧前此有沉沒者不可不禁

陳平渡

中渡

在五都六都之界

在五都

前吳渡

在五都懸鍾必經此風高甚險

長沙尾渡

四都五都之界縣治距五都八十里一日乃至人利此渡為捷徑但海上時有劫掠明崇禎八年八月海賊劫渡殺渡工四行人多斃刀斧屍投水水面盡赤後別船工仍將此舟為渡至明年八月應被劫之日白晝作風濤舟為蕩碎其渡工多為賊

囹行人尤當慎焉一名松栢門渡

懸鍾南灣渡

對面相望順風一帆立至逆風則不敢行

江頭渡

由番安至江頭四十里可至雲霄

與頭渡

古港渡

在東坑後灣

在五都可至六都

北門渡

在北門溪邑人沈起津初渡舟渡工各二每年費三十金渡通東西沈溪東磁灶等十餘村往來甚

多尙須酌量官給工食以爲長久之計

懸鐘渡

在石橋下學設一在新市邑人沈起津新設

港頭三清觀前岍

閩廣通衢岸通海潮春夏多大水每遇潮湧泥濘
陷沒行人甚苦之明天啟間鄉紳沈鈇倡義請于
知縣周政孚築路濶一丈餘高九尺而立觀于其
旁行人免病涉之患中丞周起元爲文以記之見
藝文志歲月久必有水漲崩壞繼此而修存乎其
人耳

市集

日中爲市始于神農農末相資有無互易古以朝
市金稱誠重之也都會之區巨商大賈操奇贏而
博厚利寶繁有徒詔邑蚩氓抱以貿者不過朝暮
衣食之需布而不帛麻而不絲海上魚鹽田間菽
粟雖項背相望于市此出彼入授受數百十文錢
而已地瘠民貧卽此可念然上無征求之苛政下
鮮駟驢之澆風古道之存亦卽此可見近自數年
以來上下交斂水濱官有新榷山而地多暗徵篋
笠漁翁名隸船商之籍橐囊賈子利歸箕歛之家

新者請復舊規勿憚再三豈皆褻如充耳暗者議
申明禁毋寬銖兩庶各知有警心是在長民之責
也志市集

東門市 南市 新市

俱在關廂新市在北關外雖有舊設新設之分然
皆由來久矣

懸鍾卸石灣市

設有欽總衙門漁舟蟻集軍民貿易甚衆今廢

銅山演武亭市

與五都東坑相連地屬詔安

溪南市

在三都溪南村

官陂墟

在二都蘭秀寨外以三六九日爲期貿易多饒平
平和人貨物輳集

新徑墟

在二都卽舊志之班鳩墟也因班鳩散而移入新
徑以一四七日爲期

凹心墟

在二都南陂以二五八日爲期

牛角墟

在二都秀篆以三六九日爲期

大興約集

在四都康熙二十七年秋給縣示新設以二五八日爲期

都里

都里之設量道里遠近而立爲都因人丁多寡而分爲里所以定賦式均徭役也大邑都以數十計里以數百計詔安割漳浦二三四五都以爲邑治爲二十二里卽與漳屬諸邑相較大固不及併之

五中不及什之三奚啻齊晉邾莒之不同而凡有公務無分齊晉邾莒以取盈焉民力能無倍困何況寇患之餘播遷之後乎戴冠曰五都絕島寇據後通邑止存十七畝三四都沿海復有遷斥其在二都山中三都內地者十餘畝耳乃以數寥落疲癯比他邑全派者踰十年雖復而名存實亡者復半之幸今喘息漸蘇五都版圖亦如舊徐徼教訓生聚之澤自今日始矣志都里

二都統備二

在縣西一百二十里宋時竝爲海濱里

三都統置十

在縣西宋隸漳浦為海濱里

四都統置五

在縣東四十里宋隸漳浦為遵化里脩竹里

五都統置五

在四都海水之外宋隸漳浦為思政里

約寨

約寨之設即前朝保甲耆老之制一以宣文教一以寓武功相金行者也明制百一十戶為一里里有長十戶為甲十甲為保保有正副擇才幹者為

之教習武事以備非常防盜賊每甲一牌填註名籍生業出入往來互相覺察此保甲之法也每鄉推舉耆老賜以冠帶本鄉有爭訟者成就質焉否則為越訴此鄉約之法也前人立法甚良後人行之而名存實廢廢之在下復之在上變而通之存乎其人今欲行保甲講鄉約不可仍其名以修其實乎志約寨

二都六社 金溪社

四甲社

南陵社

內分河東西二約

九甲社 官陂社

己上五社各設約正共六人與三四都同

秀篆社

舊設團長四人不設約正

三都十八約每約設約正一人

東關約分七寨離縣城十里

下溪雅寨 上溪雅寨 後園寨 林家巷寨

柴橋頭 甲洲寨 林都村 下埔村

西關約分四寨離縣城五里

西關廂 港頭寨 平寨 柳厝埭

南關約分三寨離縣城三里

仕渡寨 大子美 巽仔村

北關約分五寨離縣城三里

北關廂 官洋頭 梅塘甲 虎庵寨 茭墩頭

胡厝陂約分八寨離縣城五里

胡厝陂 上梅塘 萬田村 磁灶村 塌裡村

青山仔 沈望寮 大塘村

德新約分十寨離縣城十五里

德新寨 後林寨 徑尾舊寨 庄上寨

徑尾新寨 深青橋 郭厝寮 雙港寮

西坑寨 磁窰村

省英約分六寨離縣城二十里

洋林寨 象頭阮村 舍英寨 西岐頭

象頭江村 仙塘寨

東沈約分十一寨離縣城十里

東沈寨 坂尾寨 西沈寨 古家埭 上園村

山邊村 山前村 洪厝山 涂厝埭 蘆鴨墩

窖裡村

溪南約分十寨離縣城二十里

歐坑村 水河 大寨口 小寨口 埔上寨

王公寮 東厝寨 溪南寨 大埭村 蓮塘村

官牌約分十三寨離縣城二十五里

塘西寨 官牌寨 山頭埕 象墩山 洋邊村

下塢村 上塢村 芝蘭里 東山村 菱塘尾

若湖村 西安村 西保甲

白石約分十六寨離縣城四十里

白石寨 深湖寨 貓槽坑 荷莖村 龍潭坂

浮山仔 舊宙寨 下坂樓 塔橋 汀洋埔

林貢寮 水坑村 西邊村 東邊村 大坪寨

陳厝寨

平路約分二寨離縣城四十里

上城寨 下城寨

寶橋約分六寨離縣城二十五里

章朗寨 松栢山 新營村 上營村 下營村

金山村

後嶺約分十寨離縣城二十五里

不老林 五島寨 後嶺寨 太平湖 後東寮

西園村 新興村 萬園村 高坑村 埔上村

溪東約分十六寨離縣城二十五里

尾營寨 沈厝甲 赤水溪 軍寮 下美村

新村埔 吉林村 上營鶴坑 新安村

胡營沈甲 龍眼營林甲 許甲 胡營許甲

盧尾寨 山保雷 岑頭寨

八田約分六寨離縣城二十五里

龍克寨 長田寨 烏林村 磁窰村 長脚湖

菱福村

西潭約分七寨離縣城二十里

東保甲 西潭寨 涂洋尾 塘東寨 後陳寨

潭頭山 橋頭山

長埔約分十三寨離縣城二十五里

江畝坑 北冀寨 許監察 月港村 長埔寨

前洋村 馬頭村 磨石溪 東邊村 埔筆崙

進寶山 吉貝畚 下河庵

四都七約每約設約正一人

菜園埔約分十一寨離縣城二十里

洋尾村 鳳頭寨 小紅坑 寮仔村 菜園埔

華寮寨 西山寨 林兜寨 東岐頭 高坑寨

西下河

縣鍾約分十二寨離縣城四十里

董前村 周唐吳 院前村 丘厝村 魏洋坑

峯岐村 尾寮村 林厝村 田厝村 下傳村

大懸鍾 小懸鍾

厚廣約分十寨離縣城二十五里

田朴寨 護園村 大吳村 祿卿寨 後邊村

東山村 西亭村 厚廣寨 占洋村 窰裡村

大興約分五寨離縣城三十里

小奇材 西籬寨 後墩寨 大興寨 上徑村

上湖約分六寨離縣城三十五里

上湖寨 大碑寨 東籬寨 前埔村 田墘村

余厝村

梅洲約分十一寨離縣城四十五里

梅洲寨 官宅寨 口半徑 九溪村 白狗峒

大埔村 馬洋村 羅翁宅 絲竹涂 白水磔

羅田村

榜山約分九寨離縣城六十里

竹港村 梅山寨 官倉 港口 西張

林頭村 蓋倉村 山外村 山前村

五都十六堡每堡設堡長一人離縣城八十里

前何堡 後林堡 張塘堡 徑口堡 番安堡

康美堡 南山堡 良峯徑 石壇堡 探石堡

東坑堡 吾龍堡 南埔堡 東沈堡 陳城堡

厝下堡

郵典

鰥寡孤獨施仁必先施幣理齒王政所貴西銘曰
凡天下之疲癯殘疾皆兄弟之顛連而無告者也
如此而不為之計致使生者流離死者委壑哀此
笑獨之謂何忍忽置乎邑之大若有養濟院有漏
澤園有醫藥局皆為四計也詔安建置缺略猶多
然有養濟一院義塚六處無告之民養生喪死亦
可無憾矣惟每歲額給弓糧衣布勿令胥役侵漁
毋為奸徒虛冒一絲一忽悉歸院中之人以實心
而行實政是在豈弟君子民之父母也志郵典

養濟院

在縣城西四里明嘉靖二十八年知縣李尙理修額設存恤孤老衣布銀三十兩孤貧月糧銀五十兩四錢六分三厘八絲二忽二微八纖順治十四年奉文全裁解部充餉後于康熙二十一年全復詳賦役志

義塚

西關外凡四處

可游寨山知縣夏老禮

後溝尾山沈鈇置

馮臨鎮在丘都軍民合葬

良峯山麓縣西二里

雙髻娘山在縣西十二里

祠廟

尚巫尊鬼好禮君子所不道也然或在天為星在地為神或生則稱人歿則成神實有靈德以庇我黎庶豈得謂無名之士木耶今去蜀漢二千餘年即村夫俗子一過漢壽亭侯之廟洋洋如在其上赫赫如昨日事蓋人心之神即神之所憑也昔石慶相齊則有石相祠藥布守燕則有藥公社詔之祠廟得無類是乎書以勸良非同語怪志祠廟

文昌祠

明萬曆間布政郭子章從邑人沈鈇請檄下知縣

夏宏建于文廟前東隅上構重樓祀文昌魁星下祀郭夏沈三神主于堂寢崇禎十年改樓爲祠中祀文昌左以三神主居焉後康熙今改建儒學大門爲門樓獨祀文昌于其上

文公祠

一在西關內原祠城外教場之左移南門內倒塌權寓城隍廟東宿齋房前奉文公香火後樓安魁星神像歲久風雨漸已傾剝前令趙國祥捐俸砌墻鞏固不壞分教暫寓以接諸生

一在懸鍾所城內卽東瀛書院嘉靖五年分守

叅政蔡潮毀西廡佛堂所建也扁係蔡潮手書見古蹟志春秋有祀詳祀典志

水犀祠

在懸鍾城北隅明天啓間商中丞周祚檄建祀彰山陣亡哨官謝美蘇國英目兵吳仁雲蓋寺陣亡哨官黃文等

附何斌臣參謝蘇二哨官文嗚呼亂難識忠盤錯別利勇夫志士何處不勉不謂賈勇奮志難欲平而身不利如爾謝蘇二哨官者痛夫爾謝美力拔超羣銳勇無敵水陸履險如夷寇賊聞風辟易爾

蘇國英臨事好謀決機應變急公而不恤私臨濟
衆而兼仁術爲遊兵前茅後勁百戰慣經爲水鎮
手足爪牙六軍增重八月十二日娘宮之戰水鎮
視帥臨海親見爾乘風破浪親見爾攻賊壘舟親
見爾陷陣先出勝鴻親見爾追賊直走甘山奮身
捨生擄死率衆出浮入沉及賊敗收兵颶風濤起
三路功成而爾二官及所部二舟捕舵目兵并溺
鷓首俱葬魚腹爾本管不見爾親報凱音爾同儕
不見爾共登彼岍爾父母妻兒不見爾入室過門
望爾回兮眼幾穿招爾來兮魂不返飄飄兮泛泛

兮黯黯兮冥冥兮爾二官爲殺賊之厲鬼與波俱
逝我本鎮思大風之猛士無淚堪揮奠爾以酒食
兮接爾以幢幡兮爾其來歸兮爾其來饗兮占風
望海聊用大招嗚呼二官實傷我心

功臣祠

在縣東祀唐將軍前鋒將贈太尉許天正及元光
子珣

報德祠

舊在漳南道傍祀知縣陞練兵僉事梁公士楚今
廢

黎公祠

在縣城西門外舊在文公祠左祀旌縣黎公天祚
今廢

關帝廟

一在西關內縣治西明嘉靖間知縣龔有成夢有
護城之功得應故立詳癸酉漳浦志

一在懸鐘所明崇禎間石橋頭居民另建于本街
即舊餉館為之時豪少年下至隸僕人等有借關
帝神名結為會者會各百十為羣有事則相幫財
力背公私黨幾為亂階此等惡習宜常飭禁

將軍廟

即九落廟在長峰山麓祀威惠唐將軍陳元光元
朝建明嘉靖間寇亂廟燬崇禎間遷神像祀縣城
南關內載祀典志廟舊九座有圍租歲銀十兩八
錢嘉靖甲辰始入官以供祀事舊志載明萬曆間
知縣黎天祚仍于故址倡建上樑竟未有成斷楚
荒墟殊可痛念旁園奸民佔耕併佔葬其園地然
將軍開漳功高此其捍禦故蹟廟決宜復園決宜
清俗傳明正德間神以袍服不鮮自詣省城賒緞
緝南詔人家長峰山屋九層舖主見容貌魁梧坐

名... 卷之四 建置

下有據徑賒之至期詣取無九層屋者顧瞻廟貌
儼然當時人忽殿下見黃袍內銀兩如數或盜賊
所棄賍物也然其事奇矣

祁山廟

在縣城南關外祀唐將軍裨將歐哲

靈侯廟

在縣城東祀靈侯亦唐將軍裨將

沈李二公廟

在縣城東北隅白水營祀唐將軍裨將李伯瑤沈
世紀元夕張燈爲諸廟冠明天啓間燬在重興

東嶽廟

在縣城東關外明萬曆間知縣夏宏建

晏公廟

在懸鐘祀晏公神元至正間公爲文錦局堂長疾
惡如仇人多憚之死後英靈不沒明洪武間以助
戰功得封爲靈應侯舊址在北門外後祀于城北
門內

碧霞元君廟

在雙屏山之麓邑人沈起津有岱宗之役宿淨殿
神授以夢願分祠于岡之南詔迺請殿中古小銅

像以歸明宗禎八年建廟于茲地有記并詩見藝
文志

馬明王廟

在西門關帝廟之左卽舊旗幟廟防營加修

寺觀

漢伐休屠國獲其所祭金人以歸訊知爲佛供惟
茗香他俱弗事遂乃祀之宮中此後世寺庵宮觀
所嚙矢也梁武佞之特甚溺數萬軍民于淮上而
虛崇同泰浮圖宋徽又改所佞者而之于道且數
萬生靈于山後而徒高神霄教主是爲業自己生

猶言福不受報乎然戴黃披緇幕披焚鐘則亦未
可盡以爲非蓋像教亦所以佐治化之窮所賴愍
不畏死之心猶知有此耳夫爲善十家蒙祿十朝
常也華家不足榮福善之說足與矣爲不善十
家戮于顯帝也鈇鉞不足懲惡淫之說足惕矣梵
宇琳宮血存蓋亦有所裨云人其人而廬其居旨
黎子得無過激乎志寺觀

沙堤寺

在中沙關邑人沈鉞建

青泉寺

在大興西北五里宋胡頴隱于此寺前有泉清而
甘以此得名湖山八景有青泉古剎卽此今廢遺
址尙存

良峰寺

在良峰山麓元至正四年僧元則建

五禪寺

在厚廣今廢

西覺寺

在縣城西關外演武場西南順治間建

北門庵

舊爲梵王宮明嘉靖間建縣改爲府館後廢

溪東庵

在溪東社尾營明嘉靖間寇亂燒燬後復原有田

種一石輝在三都十畝

報慈庵

在赤坑巖側明萬歷壬子年邑人沈鈇建

龍水庵

臨水庵

在下尾村後圮

在三都

大悲庵

九侯庵

太守方琮紹定間置

善護庵

卽徑心庵旁有寨左翼軍輪番屯戍俱淳熙末郡守傅伯壽置

半沙庵

上六庵皆驛庵也詔隸浦時有臨水驛後以路遠驛疎行人無所依托乃酌量道里隨鋪立庵命僧主之以待過客且置田以贍僧俾守庵焉見府志

觀音庵

在縣城西關內關帝廟之側

西隱庵

在縣城西關外西覺寺之前僧人識融建僧解琴台藝蘭三四月間花香滿院啜茗清談足令人矜躁都盡

青雲庵

奉千手觀音在西關外旁濠溝庵址高平地數尺面南山四時秀色可觀中有小池山石葺而新之頗易爲力

大士閣

在東溪明萬曆間邑人胡士鰲建傍附張仙閣太史黃道周扁其堂曰法濤

新恩院

在縣城西關外今廢其地總名曰新院

報助院

在縣城東二十里今廢糧田歸府城南山寺

龍山院

在縣東二十里今廢俱詳郡志

山坪院

在五都宋時建遺址尙存今廢無載

林正院

在五都石狗山不知置自何代今廢遺址尙存前

志無載

靈祐宮

慈濟宮

在縣城北祀柔懿夫人 在站前祀吳真人

靈應宮

祀天如在懸鍾城南懸鍾凡十所惟此居第七最

靈先時倭寇陷城諸廟俱毀獨此見夢賊懼得存

勝溥天妃宮

懸鍾遊官兵遇汛期誓師于此明崇禎十年把總

汪滙之捐俸重修

五通宮

在二都林婆畚徑口村

三清觀

在港頭村官路傍明天啓間邑人沈鈇捐建

黃塘莊

在岑頭下尾二村間舊志載五代時潮人黃九郎捨田入南山寺寺僧祖黃九郎爲檀越主于此像現存田詳載賦役志

竹港莊

在四都田租四百餘帶米二十一石四斗舊志載漳浦縣應城院僧管業明崇禎七年會邊憲諭宦

田寺田准變價官賣爲民田邑人林元赴本省糧餉道給帖官買兩院詳允陞科不用僧徵餉以民米折色見賦役志

論曰陳繼儒有言佛氏者朝廷之大養濟院也養濟之設以養無告也然州縣不過數十輩疲癯殘疾止矣其外少壯而貧不能溫飽婚娶者不知幾何幸佛教一門收拾此輩耳佛家分王家之勞道家又分佛家之勞聖人神道設教無以加此雖非至正之論豈亦無稽之言志卹典而繼以祠廟寺觀有以夫

言史册志

卷之八

美

日

